

مكتبة علي بن أبي طالب

١٨ نجى سنة

غرة ربيع الآخر ١٣١٥

جزء، عدد : ٦٧



قهر مانلق ، افكار جنسكاورانه

قهر مانلق افعال خارق العاده اجراسی ایچون حیاتی مخاطره ایله انسانیته مختص بالجله قوایی یالکیز صرف ایتمکدن عبارت اولیوب بلکه اصل قهرمان غلبه نفس ، شجاعت ، مشاقه تحمل ، ضوابط عسکریه ، ناموس عسکری ، صداقت گهی خصائل جلله بی بر درجه عالیده اوله رق نفسنده جمع ایلیاندر .
بناءً علیه انسانک اینی بر جنسکاور اوله یلکسنه خادم اولان خصلتار ترکیب و تکعیب ایدمک لازم گلیر .

شجاعتک هیچ بر وجهله ایو بر جهله عصبیهک محصولی اولدیغنی مقاله .
سابقده اشارت ایدلمش ایدی ؛ فقط فنا بر جهله عصبیه صاحبناک قهر مانلق استعدادندن محروم اولدیغنی مناقشه یده حاجت یوقدر ؛ زیرا احساسات عصبیه سی ایله آرزوسی آرمسند متمادیاً مجادله وقوع بولان انسان حصول مطلب ایچون خواص ماده و معنویه سی تماماً صرف ایده جک مرتبه ده قابلیت حاز اوله ماز .
ظهور ایدن فرصت و احوال دن بالاستفاده خصمی تهلیه یلک ایچون انسانک پارلاق بر ذکا ، سریع بر قرار صاحبی اولمسی لازم گلیر . فقط بؤ اجرا آتک امکان حصولی ایچون شدت عزم و اعتماد نفس خصلتاری نقصان اولما لیدر . بر دفعه احتمالک سوق طبیعتله ، احوالک مساعد مسندن ناشی پارلاق بر موفقیتیه مظهریت بسبتون بشقه اولوب ، اصل قهرمان اول کیمسه لر درک احوال غیر مساعدده سکونت و امتناعی ، قوه معنویه بی ، سرعت قراری محافظه ایدر لر .

قهرمانانك مدلولی خیلی توسع و تخلف ایتشد . — « مبارزه » دور لرنده
 « قوه بدنیه » قهرمانانك علامتی عد ایللمش و حتی مبارزه حربیه انقلاب ایتدکن
 بر جوق زمان صگرمله قدر دوام ایدرك برنجی مرتبهیی احراز ایتمش ایدی . هان
 هرملتک بر « قهرمانانك دوری » موجوددرکه ، حقیقت حالده اق عصرلرده بویله
 تسمیه ایدیلشی صواب دگلدر ، زیرا ناموسک ، وظیفهک ، ضوابط عسکریهک
 وجودپذیر اولدینی دورلردهکی قدر اوائلده قهرمانانك دها نشوونما بولامش ایدی .
 قهرمانانك حد ذاتنده فعالیگارانہ تأثیر اجرا ایدن قوت اظهارینه وابسته اولدیغندن ،
 هیچ بروقتده مجادلهسز تصویری ممکن اوله ماز . — واقعا فلان ذات ، برقهرمان کبی
 اوغراشدی دینلور ، فقط اکثریتله بؤ سوزی لسانمه کتیرن شی معلوم اولدینی
 اوزره اق شخصک اضطرابه قارشى تحملی ، ثباتی ، مقاوهتی در . یوقسه اضطراباته
 جسورانه تحمل ایدیش قهرمانانك ایچون بالاده تعداد ایتدیگمز خصائله هیچ
 بروجهله تقابل ایدمز . — اعتقادی اغورنده بلاممانعت اضطراب واعدامه دوچار
 اولان آدم ، حقیقی قهرمانانغه دها زیاده تقرب ایتمش اولور ، زیرا اق کندیسینی
 موته سوق ایدن بر مجادله معنویه باشلامش دیمکدر . مسلماً مقاوهتی اساساً
 آرزوسیله ترك ایدور . — فقط هیچ بروقتده موقعنی سلاح بدست اوله رق
 مدافعه ایله موظف اولان و مؤخرأ تهلیکه موته قارشى ثبات و اطوار جوانمردانه
 ابرازندن طولانی بزیده متحسس افعالی ایلان اشخاصه قهرمان نامی وریله مز .
 اون آلتنجی لویئیک محبسه کی ، قونوانسیونه قارشو ، نه شافوده کی وقار و سکنتندن
 طولانی کندوسنه هیچ بروجهله قهرمان دینله مز . حتی (روقوامار تیر) عنوانی دخی
 آکا موافق دگلدر . زیرا مارتیر (اعتقاد قربانی) اولانلرک اولجه معتقداتی
 جسورانه درمیان ایتلری لازم گلیرکه ، اون آلتنجی لوی اصلا بونی دخی آشکارأ
 اجرا ایتامش ایدی . — عقلاً ضعیف اولانلر اصلا قهرمان اوله مزلر .
 حرب قهرمانلرینک یانی باشنه ، الجآت درونه تابع اوله رق جسم و جاتی
 هر درلو مهالك و مخاطراته قارشو سوق ایلان لوتر ، هؤس ، ساوانارولا کبی
 ذوات وضع اولنه بیلور .

بونك ايچون دخي پك نادر بر بيوكلك مقتضى در . بعضياري ايچون طنطنه لي اوله رق اجرا ايديلان تحقيقات عليه به تحمل ، دشمن قورشوننه سینه کشا اولمقدن دهامشكدر . اكثريا جسارت ، بوني تشيد ايدن جسارت اطمنان ايله اتحاد ايدر . بونك الك على بر مثالي ، بيوك خصمزل اولان فرانسز ملتلك ، بر بيوك اوغلي تشكيل ايدر .

شارلوتبؤرغده دشمنك اجرا ايتديكي وحشت و تخريب ايدن ناشي بيوك فره در يق لاجل المكافاة هوبرتوس سراينك نغا ايدلسني كندوسنه امر ايتديكي زمان . بر بر قسسيه ميرالايي « حشمتاب » ، بؤ ناموسمه مغايردر ! » ديه جواب ويرمش و بؤ وجهله حرب قهرماني اولديغي كبي ، قهرمان حقيقت اولديغني ده گوسترمشد . عسكرلكك سربستيسندن بحث اولنورسه پك طوغري شيار بولور . حرب ، مولد خصلتدر . خلافيكراينك استهزا و تزييفنه اهميت ويرميرك سايله ذكاو دها سنده بي محابا افكار جديده نك حصونه ساعي بولان مختصين علوم دخي قهرمان عد اولورلر . زيرا طبيعت انسانيه ايجاباتندن ناشي الك اول غيرت و اطمناني دوچار تزلزل ايلان شي استهزادر .

بروجه بالا بر مرتبه عاليه به اضعا ايلديكمز قهرمانلردن ماعدا برده حرب قهرمانلري واردركه بونلرله مقايسه ايديله جك اولورسه حرب قهرمانلرينك قيمت و اهميتلرينك سوز قهرمانلرينه بر قاچ جهتله فائق اولديغي كوريلور ، سرعت قرار ، حربك هر درلو احوال مدهشه و مخاطرانته غلبه ، تهلكه نك ايچنده بولنش سوز قهرمانلرنده نقصاندر . اعتقاد مزجه حرب قهرماني يالكور ذهناً مجادله ايدنلره فائقدر . فقط بالفرض آنلري متساوياً يان يانه وضع ايديله جك اولورسه ق حرب قهرمانك نهاني حائده قهرمانلغك ثروت الوان و روتقي دخي زائل ارلور . اكر متقدياً تكرار على التكرار اولق اوزره حربك مزاحم و مساويسي ، دينه مخالفتي ، مصالحه نك محاسن و فوائدی تغني ايديله جك اولورسه كنجارمز حربده نصل بر قوه عاليه نك قهرمانلغه سوق ايلديگني اوكر نهيله جك ؟

آنلر ازمئه ماضيه قهرمانلريني ، ميلشادي ، تمبستوقلي بي ، سيببوني ، اسكندري ،

سزاری، کارولوس، ماغنوس، بارباروسا ایله فرانسه نك دردنچی، انگلتره نك
بشنجی هاریسنی، غوستاو آدولفی، بیوك فریدریقی، برنجی ویلهلمی خونخوار،
قصاب دینمی اوگرنسونلر ؟

ترموپیل کچیدینی تخلیه ایتمك عزم قویسندە بولنان له تونیداسك حرکتی،
(هوخ کیرخ) جوارنده کایسانك حولیسینی معیتندە بولنان آتی یوزکشینك قسم اعظمی
قانی طوراعه سر بلنجیه قدر یگر می ایکی طابور دشمن عسکری ایله اوغراشان
پروسیالی له تونیداسك فداکارلنی، قارطاجیلر ایله محاربه خونریزانه رومالیرك
ثبات و متاتی، ناقابل نسیان اولان حرب هفتسالهده غالبیت و مغلوبیت ایچنده پویان
اولان قرالک مجادلات قهرمانانسی، پرنس « اوژن » ك افعال خارق العاده سی،
آرشیدوق قارلك رایت بدست اوله رق جسم و جانی فداسی، « شارنهurst » ك
قوه عازمانه، وفات قهرمانانسی، نابولیونك وترلوده سیل خروشان فراری « قیر آتی »
ایله یازوب چیقمسی گبی قوه فکریه نك نهایت درجده انبساطی ارانه ایدن مثاللر که
اعتلای روحی منتج اولور — آرتق کنجلمزك قلب و قوت و فکرینه بر تأثیر اجرا
ایتمسونمی؟ بونلرک کافه سی غلیان افکاری موجب اولان قیمتسز بر خیالدر — حرب
قانون اخلاقه بر مخالفت، بر « قصابلقدر »، قهرمانلری ایسه « آفات انسانیت »
دگلمی؟ — اك عالی هیكل مشخص انسانیت میدان محاربهده دفتر شعر حیاته خاتمە
چکن شاعر در . اعتلای روحك اك بلند مرتبه سی شاعره خاصدر . مفکره سنك
وجوده کتیردیگی الواح و اشکاله جان ویرر، کنیدیسی الی الابد حافظه ملتندە یشار.
— اقوالی، حیاتی تهلكیه بالالقا، افعالی ایلهده اثبات ایدە جك اولورسه سوزینك
اریده کندی اولمش اولور . نهوالدفون قلايست، ته اودور کؤرر، مصالحه ابدیه
طرفداری اولان زمره خیالیونه التحاق ایتمش اولسه لردی شان و شرفلری نهان
اولوردی .

حربده وفات ایدن اولادینك میدان محاربهدن گوندردیگی کاغدی، صارارمش
صوك مکتوبی خانەسندە تنهانشین اوله رق اوقویان، فطرتك ویردیگی محبت مادرانهدن
ناشی ناقابل تسکین بر صورتده اشك تأثرینی روان ایلیان والدەنك نظری بردنبره

اوغلانك يوز باشيسي طرفدن كوندريلان مكتوبه مصادف اولور . اوراده شو سوزلر مقيد : اولادك بر قهرمان كبي اولدى ! صوڭ سوزى : سويله ، مظفر اولدقى !

شو جملهلر كورن والدينك كوزلرى پارلار ، سيل دموى منقطع اولور . اولادينك رسنى آلهرق بر مسرت فوق العاده ايله تماشايله باشلار . اى مجنون قادين ، ياڭليورسك ، سنك اوغلنك بر انسان قصاصي . جلادى اولهرق وفات ايلدى !

حرب ، مساوى ضروريه دن اولمايوده مصالحه طرفغيرانك توصيف ايتدكلرى كبي مساوى مطلقه ويا حال حاضره . شان مدنيت منافي بر جنابت اولسه ايدى او حاليده بو كبي تعبيرانك هيچ بر تاثيرى اولماق لازم كلوردى . ذاتاً ماضى به متعلق علويت قهرمانانه بر درجهيه قدر آنلر كبد تحت اعترافده در .

قهرمانلق افكار جنگاورانه دن تولد ايدوب ، بالاده دخی بيان ايدلديكي وجهله مجادله سز تصويرى ممكن اوله ماز . افكار جنگاورانه يه مالك اولميان ملته بو بر بيوك نقصان ديمكدر .

فى الحقيقه قهرمانلقدن عارى ، قهرمانلغه شرف واهميت اسناد ايتمز بر ملت تصوير اولنه بيلسه بو ملتك ، عقلنى غائب ايتمز مجنون بر انساندن ، نه فرقى قالور . افكار جنگاورانه يه غير مالك ، محاربه يه قابليت سز اولمسندن طولاي هر دشمنه خراجگذار اوله جفتدن صرف نظر ايدلديكي حاليده بيله بر چوق صنايع و تشبثات تجاريه ايچون ينه بر پارچه قهرمانلغه احتياج واردر .

يوقسه اكثريتله مالك غير متمدنه توسيع تجارت و تأسيس مستعمرات تشبثات ثمره دار اوله ماز . بو خصوصده كوته نك شو سوزى پك توافقي ايتكده در : «حرب ، تجارت ، قورصانلق يكدیگر رندن ناقابل تفريق براتفاق مثلث تشكيل ايدرلر .» حربيه مراجعت ايتمك سزین مستعمرات فصل تأسيس ايديله بيلور ؟ او مدنيت كه مصالحه طرفغيرانك هرجهتله اولان تشبثات و تحريكاته مقابله جواب اعطاسندن خالى قالسى جائز اوله ماز ، فصل انتشار ايديله بيلور ؟ اگر قريستوف قولومب زماننده

بوگی افکار حکمفرما اولسه ایدی، آمریکا بوگون نه اوله جقدی؟ ابواب چینی کشاد ایدن نهدر؟ حرب! زمان سابق ایله احوال حاضره آردسندگی فرق نه درجه ددر؟ آلمان ملتند بر ذکر ضعفک حکمفرما اولدیفنه ایلمک علامت صحیحه بالنسبه مستعمرات بولتیقه سنه آز اشتراک ایتسیدر. زیانی یوق. مستعمراتک بزم ایچون بر منفعت اقتصادی بی موجب اوله میه جز، دشمنلریمزدن بر جوغینگده تحت تصدیقنددر. تاریخ گوستریور که بو مقصده وصول ایچون زمان، تحمل و ثبات لازم، فقط عمومیتله احوالک جهت خیالیه سنجه ده قلت اشتراک ظاهر در. یعنی آفریقاده علوم و معارفه خدمت، وطنک، انسانیتک نفع و شرف، نقطه نظرندن ابراز ایدیلان قهرمانلقد پک آذر. — اوراده مدققین، علما و عسکر عین زمانده قلم و سلاح ایله بر بیوک مقصد ایچون زحمت، مشقت، اضطراب ایچنده چالیشیور، اقلیور لر. حال حاضرده (۱) غوردون، ناخیتغال، ویسمان، غرافن رویت، امین پاشا یگانه قهرمانلردن اولدقاری حالده نه چاره بونلرک پارلاق افعال و خدمتلی لایق اولدینی مرتبه قبلر مزده عکسار حصوله گتورمیور.

قلاوزویچ بر یرده «حرب مناسبات متقابله انسانیه نلک بر نتیجه سی در.» دیور، اوت طوپ، تفنک آتشی ایله بر مناسبت، مع مافییه حقیقت. ذاتاً تاریخ عالمده ملتار حرب و ساطتیه یکدیگره ملاقی اولدیله، بر لرلندن اوکرندیله، اختلاط ایدیله. بالاده ایما ایدیلان تجارت و مستعمرات تشبثاتی نقطه نظرندن او قوجه حرب فیلسوفنک شو جمله سی بوگونه اهمیت مخصوصه بی حازدر. — حرب، قهرمانلق اولقسزین بوگی نتایج مناسبات ممکن دکلدر. — شوراسیده آشکاردر که تأسیس تجارت و مستعمرات، دائماً استعمال سلاحه عرض حاجت ایتز؛ فقط بونلره مماثل هر درلو تشبثاتک آرقه سننده قرار اخیر اوله رق سلاحک موجود بولنه جفته اعتماد ایدملیدر.

یاخود حربک یالکز اقوام متدنه آردسندن قالدیرلمسی آرزو ایدیلیور؟ یالکز زنجیلر ایله هندیلره می حصر ایدلمک استیلیور؟ او حالده انسانیت و انسانیه

محبت فکرىنه اصلاً توافق ايدمهز . طريق خطايه سسلوك ايدماملى ! افكار جنگاورانه، قهرمانلق كنديسى برطرفدن محو، ديگر جهتدن اثبات ايتمگه مساعد بولمه ماز . حتى مستمرا نك ساحت و ساحله قريب اولان اقسامنه قارشو افكار جنگاورانه يه مالك اولميان عسكر، يرلى اجرتلى افراد، ايله زمانمرك هر درلو وسائط فنيه و مدنیه سى استعمال ايديلهرك احراز موفقيت ايدلسه بيله جهات داخله مظلمه سته طوغرى ايلرو ملك ايچون ايكي مثلى قهرمانلق ابرازينه محتاج بولورزكه، بو خصوص يرلى اجرتلى عسكرى يالگيز ايلرويه سوق ايتمگه قالمبوب، آنلرى اطاعت و انقيادهده مجبور ايدرز .

آلمان، انگليز، اسپانيول، پورتگيز، فلنك، فرانسز شواله لر ينك ياپدينى گي بو اغورده قانمزي بالذات اساله ايتديگمز مدتيجه مستمرا ت مسئله مز دخى او نسبتده لايقيه ايلرويه مز .

بناء عليه استر پرنس اوله رق طوغسون، استر سه او عنوانى قوت و افعالى ايله احراز ايلسون . قهرمان كندى تاثيراتى اجرايه واسع ميدان بولدينى، قهرمانلى ايله برابر بر اردوينى سوق و اداريه لازم اقتدارى حاز اوله رق محاربات قطعيه اجرا سى ايچون آنلره كندى فكرينى القايديگى صورتده قهرمان سردار لغه ، (عسكر قهرمانلغه) منقلب اولور .

محررى

جنرال بنوسلاوسكى

آلمانجه دن مترجى

محمد رشدى

